

# mainatges d'òc **PLUMALHON**

L'aiga  
es preciosa !

6 de junh  
de 1944



Lo flamenc ròse

# Los flamencs ròses

De la Camarga fins a Catalonha coma en Corsega, i a fòrça estanhs en broa de mar ont vivon d'aucèls. Los flamencs ròses i vivon en escabòts d'un desenat d'individús o tanplan en colonias de centenats d'aucèls.

Los flamencs se noirisson de pichòts crustacèus mas tanben de larvas e d'algas. Per s'avidar, furgan dins la lòsa dels estanhs e ne tiran de crustacèus e de vèrms. Filtran l'aiga amb lo bèc.



Flamenc de Chili

Un coble de flamencs fa lo nis en bastissent un pilòt de tèrra cavat sul dessús, coma lo cratèr d'un volcan. La femèla i pond un uòu e coa una mesada.

Un còp nascuts, los pichons demòran ensemble e los vièlhs lor tenon còr. Fòranisan – es a dire que son independents – al cap de cent jorns.



Fa 1,30 m d'auçada e pesa a l'entorn de tres quilòs. Un flamenc viu unes 25 ans.

Lo flamenc, lo coneissètz sul pic amb sas plumas ròsas, sas patas longas, son còl longàs e son bèc crocut.



Flamenc de Cuba

Los de Cuba son roges gaireben

e se'n tròba al Chili tanben.

Los flamencs son pas a mand de desaparèisser en çò nòstre. Dempuèi 1971, son protegits. A aquela epòca, disián qu'èran 3500 cobles en Camarga. En 1986, se'n comptèt 20 000.

## Carotena

Dins çò que manjan los flamencs, i a de carotena. Es una substància que colora la pluma de l'aucèl. Los joves son pas colorats coma los vièlhs. Se ditz que sens lo carotena, los adultes se pòdon pas reproduir.

Dins lo mond, se tròba diferentas espècias de flamencs.

